



Կարգադրություն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ
ԵՎ ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ
ՂԵԿԱՎԱՐ**

N 06/20679-2022

«24» նոյեմբերի 2022թ.

0047 ՀՀ Երևան, Նորք-Մարաշ, Ա. Արմենակյան 129

☎ (374-10) 65-05-53, 65-03-05

Էլ. փոստ info@hlib.am

ՈՐՈՇՈՒՄ 1358

ԹԻՎ 260822-947 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով ՀՀ պետական եկամուտների կոմիտեից ստացված թիվ 70-16/60956-2022 գրությունը՝ մուտքագրված ՀՀ առողջապահական և աշխատանքի տեսչական մարմին (այսուհետ նաև՝ Տեսչական մարմին) 2022 թվականի օգոստոսի 24-ին թիվ Մ-8454-2022 համարով, 2022 թվականի օգոստոսի 26-ին հարուցվել է թիվ 260822-947 վարչական վարույթը՝ «ՄԱՐԳԱՐՅԱՆ777» սահմանափակ պատասխանատվությամբ ընկերության կողմից (ՀՎՀՀ՝ 06962866) ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջների պահպանումը պարզելու նպատակով:

Վարչական վարույթ հարուցելու հրամանը և ծանուցումը 2022 թվականի օգոստոսի 30-ին փոստային ծառայության միջոցով ուղարկվել է ՀՀ Լոռու մարզ, Փամբակ համայնք, Մարգահովիտ բնակավայր 19-րդ փողոց, 1-ին փակուղի, տուն 2 հասցեով՝ «ՄԱՐԳԱՐՅԱՆ777» սահմանափակ պատասխանատվությամբ ընկերության տնօրեն Հերմինե Սամվելի Մարգարյանին: 2022 թվականի սեպտեմբերի 02-ին նամակը (բեռնային համար՝ LO105379841AM) «Հայփոստ»-ի կողմից հետ է վերադարձվել, որի վրա փակցված ետ վերադարձի կտրոնում պատճառը նշված է՝ «տեղափոխված»:

2022 թվականի սեպտեմբերի 01-ին թիվ 01/15466-2022 գրություն է ուղարկվել ՀՀ պետական եկամուտների կոմիտե՝ «ՄԱՐԳԱՐՅԱՆ777» սահմանափակ պատասխանատվությամբ ընկերության ներկայիս ձեռնարկատիրական գործունեության իրականացման վայրի վերաբերյալ, որին ի պատասխան ստացվել է



ՀԱՆՐԱՊԵՏԱԿԱՆ և ԱՇԽԱՏԱՆՔԻ
ՏԵՍՉԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, 22, ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53 Էլ. փոստ՝ info@hlib.am

www.hlib.am

Թեժ գիծ՝ 8107

25.11.22

արքայազն

112

թիվ 01/70-16/63626-2022 գրությունը՝ մուտքագրված Տեսչական մարմին 2022 թվականի սեպտեմբերի 02-ին թիվ Մ-8754-2022 համարով, որում հայտնվում է, որ «ՄԱՐԳԱՐՅԱՆ777» սահմանափակ պատասխանատվությամբ ընկերության ձեռնարկատիրական գործունեության իրականացման վայրը ՀՀ Երևան քաղաք, Աջափնյակ թաղամաս, Լենինգրադյան փողոց 33-ն է, իրավաբանական հասցեն՝ ՀՀ Լոռու մարզ, գյուղ Մարգահովիտ, 19-րդ փողոց, 1-ին փակուղի, տուն 2:

2022 թվականի օգոստոսի 26-ի ՀՀ առողջապահական և աշխատանքի տեսչական մարմնի ղեկավարի թիվ ՎՎ-0972-Ա հրամանը առձեռն հանձնելու և բացատրություն վերցնելու նպատակով, աշխատանքային խումբը 2022 թվականի սեպտեմբերի 02-ին այցելել է ՀՀ Երևան քաղաք, Լենինգրադյան փողոց, շենք 33 հասցեում գործող «ՄԱՐԳԱՐՅԱՆ777» սահմանափակ պատասխանատվությամբ ընկերության գործունեության վայր (այս հասցեն նշված է ՀՀ ԱՆ իրավաբանական անձանց պետական ռեգիստրում և ՀՀ պետական եկամուտների կոմիտեից ստացված թիվ /70-16/60956-2022 գրությամբ ուղարկված արձանագրության մեջ), սակայն դուռը փակ է եղել և դռան բազմաթիվ թակոցներին արձագանք չի եղել: Այցի մասին 2022 թվականի սեպտեմբերի 02-ին կազմվել է տեղեկանք:

Վարչական վարույթ հարուցելու հրամանը և ծանուցումը 2022 թվականի սեպտեմբերի 12-ին փոստային ծառայության միջոցով ուղարկվել է ՀՀ Երևան քաղաք, Լենինգրադյան փողոց, շենք 33 հասցեով՝ «ՄԱՐԳԱՐՅԱՆ777» սահմանափակ պատասխանատվությամբ ընկերության տնօրեն Հերմինե Սամվելի Մարգարյանին, որը 2022 թվականի հոկտեմբերի 18-ին նամակը (բեռնային համար՝ LO105603060AM) «Հայփոստ»-ի կողմից հետ է վերադարձվել, նամակի վրա փակցված ետ վերադարձի կտրոնում պատճառը նշված է՝ «չպահանջված»:

Տեսչական մարմնի ղեկավարի 2022 թվականի սեպտեմբերի 23-ի որոշմամբ թիվ 260822-947 վարչական վարույթը կասեցվել է «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 2-րդ մասի «ա» կետի և 4-րդ մասի հիման վրա:

2022 թվականի հոկտեմբերի 17-ին թիվ 17/18326 գրությամբ հարցում է ուղարկվել ՀՀ Լոռու մարզի Փամբակ համայնքի ղեկավարին՝ Հերմինե Մարգարյանի ներկայիս բնակության վայրի վերաբերյալ, ինչին ի պատասխան ստացվել է թիվ Ե-



1561/22 գրությունը՝ մուտքագրված Տեսչական մարմին 2022 թվականի հոկտեմբերի 25-ին թիվ Մ-10550-2022 համարով, որում հայտնվում է, որ Հերմինե Մարգարյանը բնակվում է Երևան քաղաքում և փաստացի բնակության հասցե նշված չէ:

Վարչական վարույթի ընթացքում ձեռնարկված միջոցառումների արդյունքում հնարավոր չի եղել հայտնաբերել «ՄԱՐԳԱՐՅԱՆ777» սահմանափակ պատասխանատվությամբ ընկերության տնօրենին:

Վարչական վարույթի կասեցված լինելու ընթացքում ևս հնարավոր չի եղել հայտնաբերել Ընկերության տնօրեն Հերմինե Մարգարյանին:

«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասի երկրորդ պարբերությամբ նախատեսված 60-օրյա ժամկետը լրացել է 2022 թվականի նոյեմբերի 22-ին, բայց այդ ընթացքում չի վերացել վարչական վարույթի կասեցման հիմք հանդիսացած հանգամանքը, որի պատճառով վարչական վարույթը ենթակա չէ վերսկսման:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-րդ մասի ե1 կետի համաձայն՝ դիմումով հարուցված վարչական վարույթը կարճվում է, եթե՝ «լրացել է սույն օրենքի 49-րդ հոդվածի 3-րդ մասի երկրորդ պարբերությամբ նախատեսված ժամկետը, և այդ ընթացքում չի վերացել վարչական վարույթի կասեցման հիմք հանդիսացած հանգամանքը»:

Նկատի ունենալով, որ «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասով վարչական մարմնի նախաձեռնությամբ հարուցված վարչական վարույթի կարճման հիմքեր նախատեսված չեն, ուստի տվյալ դեպքում անհրաժեշտ է կիրառել օրենքի անալոգիա:

Ելնելով վերոգրյալից, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-ին մասի «ե1» կետը, 1-ից 7-րդ գլուխների պահանջները, և ղեկավարվելով ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետով՝

ՈՐՈՇՈՒՄ ԵՄ



Տեսչական մարմնում 2022 թվականի օգոստոսի 26-ին հարուցված թիվ 260822-947 վարչական վարույթը կարճել՝ վարչական վարույթի կասեցման որոշման օրվանից 60 օրը լրանալուց հետո կասեցման հիմք դարձած հանգամանքները չվերանալու հիմքով:

Շնորհակալություն համագործակցության համար,

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝



Recoverable Signature

ՍԼԱՎԻԿ ՍԱՐԳՍՅԱՆ

Signed by: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

2022 թվականի նոյեմբերի 24

Երևան

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին:

Սույն վարչական ակտը ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:



ՀՀ ԱՌՈՂՋԱՊԱՀՈՒԹՅԱՆ և ԱՇԽԱՏԱՆԵՐԻ
ՏԵՍՉԱԿԱՆ ԲՈԴՈՒՄ
HEALTH AND LABOR INSPECTION BODY
OF THE REPUBLIC OF ARMENIA